

# **Brčko Distrikt potpisao ugovor o privatizaciji preduzeća BILJANA Maoča**

Gospodin Ernes Husarić, koji živi u Njemačkoj, je danas potpisao ugovor o privatizaciji sa Vladom Brčko Distrikta čime stiće 67% dionica javnog preduzeća BILJANA Maoča. Brčko Distrikt zadržava 33% dionica za investitore sa certifikatima.

BILJANA se bavi kupovinom, proizvodnjom, preradom, pakovanjem i završnom obradom ljekovitih i poljoprivrednih biljaka; proizvodnjom čaja u filter vrećicama i čajeva za specijalne medicinske namjene; proizvodnjom eteričnih ulja i medicinskih preparata (balzama, tinktura, kapi), preradom, proizvodnjom i pakovanjem začina, proizvodnjom i pakovanjem voćnih proizvoda i pakovanjem različitih vrsta proizvoda u prahu (soda bikarbona, kokosovo brašno, sećer, so) i proizvoda u zrnu (biber).

BILJANA je drugo javno preduzeće koje se privatizuje u Brčko Distriktu. Uspješni ponuđač se obavezao da će uložiti 400.000 KM u gotovini, kupiti opremu u vrijednosti od 630.000 KM i povećati broj zaposlenih do 105 radnika u roku od tri godine. Kupoprodajna cijena je 25.000 KM, koja će se platiti u roku 7 dana.

Ono što je svojstveno za ovu privatizaciju je to što gospodin Husarić donosi postojeću potrošačku mrežu svoje njemačke kompanije (koja radi pod imenom Global Market Trading), obezbjeđujući time spremno izvozno tržište za proizvode BILJANE. Takođe će u BILJANU prenijeti znatan dio svog postojećeg postrojenja za proizvodnju i preradu začina.

Današnji ugovor je rezultat višemjesečnih pregovora sa ciljem da se obezbijedi kako vrlo uspješno privatno preduzeće tako i maksimalna dobrobit za privredu Brčkog. Nova BILJANA će biti

veliki stimulans za poljoprivrednu proizvodnju, trgovinu i stvaranje novih radnih mjesta u Brčkom i okolini.